



## Respiratory Syncytial Virus (RSV)

### Tsi niiá:wens ne RSV

- ➔ Ne iontonriétha syncytial kahnra RSV iotká:te eniakokarón:ni ne akotsinà:kwa, tsi iontón:ries, sénha ne ken' nihonná:sa tánon thonnonkwe'tá:ion.
- ➔ Ne RSV enhséhere wesathoriáhserion'se tánon tensonriórarake, iotkáte ne owirá:'a tánon ne nihonná:sa ne enhotiié:na.
- ➔ Éso ne onkwehshón:'a né:ne enhotiié:na iah só:tsi teka'shátste, tsahià:ksera, tehiahia'kserá:ke sok enhontkwatá:ko, iah thakari'wanón:ton ne onóhkwa tóka ni' tahonwatíhsnie'ne.
- ➔ Ótia'ke ne RSV eniakoí:na kwah i:ken ne iakó:ra's káhnra, sénha ne owirá:'a, ratiksaokón:'a tánon ne thonnonkwe'tá:ions. Ne RSV enwá:ton sénha enkahétkenhte tóka' tiakotéhnra.
- ➔ Kanenna'kè:ne tsi niió:re ne kokwitè:ne nikahá:wi kwah tewatéhnrokwas ne RSV.

Ne RSV iah teioweienatshá:ni tóhkara'k nón:ta enhsáattoke iah tekari'wanóntha taiesáhshnie'ne. **Iahá:se ne teiotsteríha teshakotihshnie tóka' ónhka'k:**

- Wentó:re ne aiontón:rie, teiakotskenné:nonte, ieri'tsà:ke karà:ken tóka ni' oròn:ia ní:ioht, teiakaonió:rarak tóka ni' iorakáhre tsi iontón:ries.
- Thénon kí: tsi niiá:wens:
  - ioko'tonhkawáhrhos kwah i:ken tsi iakoserénhtara's, tóka ni' wentó:re ne aié:ie
  - tiokontáhkwen iontstí:kons, iah tewá:tons thénon aiehnekí:ra ne sha'tékon nenkahwistá:e'ke tóka ni' sénha karí:wes
  - iontstí:kons tóka ni' teiakotia'tonkótha tánon é:so tekanekwenhsaiéstion
  - iah tshiekaié:ri tsi niiehnekíhrha, iohstáthen ieshá:kon tánon sha'tékon wa'kahwistá:e'ke tóka ni' sénha karí:wes iah teiakonistiá:ke

## **Oh ní:ioht tsi ensahró:ri tóka' RSV sanonhwáktani?**

Ne RSV tehstiatehnatié:ren ne flu, tsi nónwa ní:ioht ne:

- enionhsa'ke
- teniako'nionhsawée'ste
- eniako'tonhkhwáhrho
- iorakahre tsi iontón:rie
- káron na'teionská:on's tánon iah teie'shátste
- iakohswá:tani ne ratiksaón:a

Tsi iá:we teskontié:rens ne óia' káhnra watié:sen ki' taienéra'ke ne RSV ne óia' káhnra tsi ní:ioht tsi aiontón:rie, tsi nónwa ní:ioht ne flu tóka ni' COVID-19. Ne RSV tóhkara'k nóntha enwateríhsí tsi ní:ioht tsi satoká:nions, ok tóka' ne í:se tóka ni' eksá:a teseni'nikónhrhare tsi nonkwá:ti ne aiontón:rie, iah tshiekaié:ri tsi nisenihnekíhrha tóka ni' sénha wahétken tsi tsattó:kahs ratetsén'tsne niahá:sene.

## **Oh ní:ioht tsi tensehshnié'ne ne RSV iakó:ien**

- Í:satst ne acetaminophen tóka ni' ibuprofen tóka' iako'tonhkwarhos tóka ni' iakohkarahréhserons, iah tekari'wanóntha ratétsen's aontahátka'we kahiatónhsera. Tóhsa enhshé:nonte ne ibuprofen ne owirá:a káron ne ià:ia'k niwenhní:take ohénton taesenithá:ren ne teionsnie. Tohsanonwén:ton shénont aspirin ne ratiksaokón:a.
- Iekaié:ri tsi na'snekí:ra tóhsa aesahstátha'se (aesá:ti ne ohnéd:kanos ne tsá:takon). Tóka' ne owirá:a wentó:re ne aiehnekí:ra sate'níenten senóhare ne ie'niónhsakon, enhsnékata (teiohnekahiotics) ienhisasenhte ie'niónhsakon.
- Ne ahsheia'tóhare tóka ni' ionia'taraná:wen áhsatste iah tha'takaté:ni tóka' iakoia'tataríhen nek tsi enion'wesénhta'ne tsi ionnonhtón:nions. Tóhsa enhsheiatá:wenste ne iohné:kano, enhotii'a'tishónhkwe sok enwathará:tate tsi nihoti'tonhkhwáhrhos. Tóhsa enhsátste ne iontia'tohkáhstha alcohol ne aontonsen'ne tsi niiako'tonhkhwáhrhos.
- Nikaténsa satsherón:nia't ahshiatanóhste tánon aion'wesénhake. Tóka eniakoia'tishónhkwe, io'taríhen ki' tsi iontsherónni. Nónen tenká:ta'ne tsi iakoia'tishonhkhwa saseríhsí ne thénon iohtá:nawen.

## **Tesewathá:ren ne ata'karitáhtshera rotiío'te**

- Ohén:ton tahshiéste ne shaoié:ra thénon ne onónhkwa ótia'ke iah thaontakonténrohwe nahò:ten tekaiéstón.
- Ótia'ke ne onónhkwa ne iah tekari'wanóntha ratétsen's aontahátka'we ne ionhsákha tánon iakothoriahserón:se onónhkwa thénon tekaiéstón ne iah tehoná:wen ne ratiksaokón:a.

## **Oh ní:ioht tsi entehsatatéhnhe tánon ne akohréñshon tóhsa ahotinonhwákten ne RSV?**

Enwáton ensaten'nikoń:raren tóhsa tahsatenhnrokhwáhte ne RSV tánon ne óia tsi aiontónrie káhnra tsi nénhshiere:

- tsí:terón:tak ne sanónhskon tóka' í:se tóka ni' ónhka tehsehshnie tsi niió:re iah tetsako'tonhkawáhrhos tánon ónen 24 wa'kahwistá:e'ke shitsakota'karí:te (48 nenkahwistá:e'ke tóka' tiakone'wará:tani, iontstí:kons tánon teiakotia'tonkótha)
- iotká:te sahtsóhare
- sróhost ne tsi tsaká:ronte nónen ensáhsa'ke tóka ni' tensen'tiónste
- iotká:te senóhare tsi nónwe iotkáte iehshié:nas
- seweraráthak ne sanónhskon
- sáststhak ne tahsatkonhsáhhake ne tsi nónwe niiokwé:ne, sénha tóka' watié:sen ne aesanonhwákten
- sehstarón:ten ne owirá:'a tóka' iotón:on'. Ne í:se enhsehstarón:ten ne onón:ta tekaiéstón ne aiório ne káhnra
- é:ren sháwit ne ahsatshó:ko

## **Káien ken ne RSV taiontatenentshawé:e'ste?**

- Ontario wahotiién:ta'ne ne tontié:renhte ne tsik ónhka enwá:ton enieniáhese RSV kaká:ria'ks ne thonnonkwe'tá:ions raotirihwáke. Ki tsi ní:ioht tsi káhson ne ohén:ton ié:rate ne ata'karitáhtshera rakária'ks ne 60 teiakaohseriìà:kon tánon í:si' nónwe tóka ieiakotkontáhkwen tsi nónwe ieié:teron Ronwati'nikón:rare tsi nónwe iehatí:teron, tánon ne aktéshon nónwe iontientáhkhwá.
- Iah háró:k tehotirihwanonhwé:on tahanwanawée:ste ne owí:rase. Ok ne Respiratory Syncytial Virus (RSV) Prophylaxis ne watié:sen ahotinonhwákten owirá:'a enhóntste enkaiáken'ne ne 2023/24 nikahá:wi. Thónek tenshakonawée:ste nónen enkahnranakeren'ne tánon ne ohénton ié:rate enharihwanónwe'ne tóka' ken enhatiká:ria'ke.

## **Ka'nón:we nienhén:ke í:si' nónwe naon'któ:kenhse?**

- [Ontario.ca/RSV](http://Ontario.ca/RSV)
- Ata'karitáhtshera 811 karonwarà:ke tóka ni' ia'satewénnata ne 811 (TTY: 1-866-797-0007 iah thaská:ria'ke) thénon í:hsehre aesató:kenhse 24 nenkahwistaée'ke ne sewenhni:sera, 7 nónta ne tsahiá:ksera